


冊府元龜

二百九十五之七



|   |   |   |   |
|---|---|---|---|
| 三 | 一 | 五 | 漢 |
| 〇 | 二 | 三 | 書 |
| 〇 | 六 | 四 | 門 |
| 冊 | 函 | 五 | 類 |
| 架 | 號 | 類 |   |

|   |   |   |   |
|---|---|---|---|
| 三 | 五 | 五 | 漢 |
| 六 | 三 | 三 | 書 |
| 五 | 〇 | 四 | 類 |
| 函 | 冊 | 五 | 類 |
| 架 | 冊 | 號 |   |

|      |          |
|------|----------|
| 內閣文庫 |          |
| 番號   | 漢 5345   |
| 冊數   | 300( 89) |
| 函號   | 365 6    |

八十九



州府元境

淮南李嗣貞祭國

西漢文舞原訂正

豫章黃國詩校釋

宗室勅 三十四

後唐

自周成以來並建勳戚大啓土宇所以恩許弱枝俾  
神遐世願蓋欽絕之者誠其或及遺教德亦幸正度

自周成以來並建勳戚大啓土宇所以恩許弱枝俾  
神遐世願蓋欽絕之者誠其或及遺教德亦幸正度

冊府元龜

漢書

淮南李嗣京參閱

西極文翔鳳訂正

豫章黃國琦較釋

宗室部

三十四

復爵

自周成以來竝建懿戚大啓土宇所以疆幹弱枝傳祚遐世顧豈欲絕之者哉其或反道敗德弗率王庭作威弛禁侵害吏治則削而絀之用殄厥世斯蓋不得已而爲之也然後推敦族之恩申猶宥之典赦其

罪戾還其璽綬或則加禮謚於既沒復爵土於嗣子  
俾宗祊無損邦畿如舊霈然渥縟與之更始亦有被  
誣見疑非辜遭禍率用追復以申其冤斯皆厚親親  
之仁成元宗之美也

漢淮南王長高祖少子以謀反遷蜀道死民有作歌  
歌淮南王曰一尺布尚可縫一斗粟尚可舂兄弟二

人不相容一尺布可縫而共衣一斗粟可舂而共食况以天下之廣而不相容也文帝

聞之曰昔堯舜放逐骨肉周公殺管蔡皆及共工皆堯舜之同姓

皆云天下稱聖不以私害公天下豈以為我貪淮南

地邪迺徙城陽王王淮南故地而追尊淮南王為厲

王置園如諸侯儀

後漢楚王英以逆謀廢徙丹陽涇縣明年至丹陽自

殺詔遣光祿大夫持節弔祠賜賙如法家賜列侯印

綬以諸侯禮葬於荆元和三年又遣謁者備王官屬

迎英喪改葬彭城加王赤綬羽蓋華藻如嗣王儀追

爵謚曰楚厲侯

阜陵王延以逆謀貶爵為侯章帝行幸九江賜延書

與車駕會壽春帝見延及妻子愍然傷之乃下詔曰

昔周之爵封干有八百而姬姓居半者所以慎榦王

室也朕南巡望淮海意在阜陵遂與侯相見侯志意



衰落形體非故瞻省懷感以悲今復侯為阜陵王增封四縣并前為五縣

齊王晃光武兄伯升曾孫晃與太姬宗更相誣告章和元年有司奏請免晃爵為庶人徙丹徒帝不忍下詔貶晃爵為蕪湖侯遣謁者收晃璽綬晃立十七年而降爵晃卒子無忌嗣帝以伯升首創大業而後嗣罪廢心嘗愍之時北海亦絕無後詔令復三國永元二年乃復封無忌為齊王

勃海王曄謀為不道有司請廢之桓帝不忍貶為癭陶王食一縣曄後因中嘗侍王甫求復國計謝錢五

千萬桓帝遺詔復為渤海王

魏已氏公琮坐於中上方作禁物貶爵都鄉侯明帝

景初三年復已氏公

吳齊王奮廢帝徙後廢帝太平三年封為章安侯詔曰齊王奮前坐殺吏廢庶人連有赦今獨不見原縱未宜復王何以不侯又諸孫兄弟作將列在江渚孤有兄獨爾云有司奏可就拜為侯

晉高陽王睦宣帝之子也初封中山王坐誘趙王廕封丹水縣侯太康初詔復爵有司奏封江陽王武帝曰睦退靜思愆改脩其德今有爵土不但以赦江陽

險遠其以高陽郡封之乃封為高陽王

汝南王亮為楚王瑋所害及瑋誅追復亮爵位喪葬之禮如安平獻王孚故事廟設軒懸之樂

汝南郡王羨汝南王亮之子永興初為侍中以長沙王又黨廢為庶人惠帝還雖復羨封為撫軍將軍又以汝南期思西陵益其國

齊王冏為長沙王又所害惠帝光熙初追冊曰咨故大司馬齊王冏昔以宗藩穆裔紹世緒于東國作翰許京允鎮靜我王室誕率義徒同盟觸澤克成元勳大濟穎京朕用庶嘉茂績謂篤爾勞俾式先典以疇

茲顯懿廓土殊分跨兼吳楚崇禮備物寵侔蕭霍庶憑翼戴之重永隆邦家之望而恭德不逮取侮二方有司過舉致王于戮古人有言曰用其法猶思其人况王功濟朕身勲存社稷追崇既往有悼於厥心哉今復王本封命嗣子還紹厥緒懼秩典度一如舊制使持節大鴻臚即墓賜策祠以大牢魂而有靈祇奉朕命肆寧爾心嘉茲寵榮子超嗣爵永嘉中懷帝下詔重述冏倡義元勳還贈大司馬加侍中假節追謚成都王穎既死汲桑載穎棺於軍每事啓靈以行軍令桑敗棄棺於故井中穎故臣收之改葬於雒陽懷

帝加以縣王禮

東安王繇以專行誅賞兄澹因隙譖之汝南王亮惑其說免繇官以公就第坐有悖言廢徙帶方惠帝永康初徵繇復封後遭母喪在鄴勸成都王穎解兵為穎所害永寧元年九月追復其爵

河間王顥安平獻王孚孫為南陽王模使人拒殺之武帝咸和六年六月復顥爵位

棘陽王竒義陽王望孫望薨竒襲坐遣三部吏到交廣商貨為有司所奏武帝太康九年詔貶為三縱亭侯復立為棘陽王

東萊王蕤齊王冏兄冏輔政蕤與左衛將軍王輿謀共廢冏事覺免為庶人尋詔徙蕤上庸後封微陽侯上庸內史陳鍾承冏旨害蕤冏死詔誅鍾復蕤封改葬以王禮

吳王宴武帝子與兄淮南王允共攻趙王倫允敗倫貶晏為賓徒縣王後徙封代王倫誅復本封  
武陵王晞為太宰為桓溫所忌溫逼新蔡王晃自誣與晞及晞子綜等謀逆請誅之簡文帝不許溫奏徙新安郡家悉徙之太原六年晞卒考武帝三日臨于西堂詔曰感惟推慟便奉迎靈柩并改移妃庶氏及

故世子梁王諸喪家屬悉還復下詔曰故前武陵王體自皇極尅已思愆仰惟先朝仁宥之旨豈可情理靡寄其追封新寧郡王邑一千戶十二年追復昭武陵國王

梁王綰晞子出繼梁王翽與父晞俱廢薨子蘇嗣孝武太元中復國  
宋廬陵王義真高祖子也少帝失德徐羨之等密謀廢立則次第應在義真以義真輕耿不任主社稷因其與少帝不協乃奏廢爲庶人徙新安郡景平二年六月羨之等遣使殺於徙所文帝元嘉元年八月詔

曰前廬陵王靈柩在遠國封墮替感惟推慟情若貫割王體自天極地戚屬尊卑豈可令情禮永淪終始無寄可追復先封特遣奉迎并孫脩華謝妃一時俱還言增摧哽三年正月誅徐羨之傅亮等是日詔曰故廬陵王舍章屢正英哲自然道心內昭徽風遐被遭時多難志立權逼天未悔禍運鍾屯險群凶肆醜專竊國柄禍心潛構釁生不圖朕每永念讐耻含痛內結尊養奸慝情禮未申今王道旣孚政刑始判宜昭國章於是乎在可追崇侍中大將軍王如故庶慰冤魂少申悲憤



江夏王義恭高祖子也爲前廢帝所害太宗定亂令書曰故中書監太宰領太尉錄尚書事江夏王道性淵深睿鑒通遠樹聲列藩宣風鉉德位隆姬輔任屬負圖勤勞國家方熙託付之重盡心毗遵永融雍穆之化而凶醜忌威奄加冤害夷戮有暴殞歿無聞憤達幽明痛貫朝野朕蒙險在難含哀莫申幸賴宗社之靈克纂祈天之祚仰惟勲戚震慟厥心昔梁王微庸警蹕備禮東平好善黃屋在御况公德猷弘懋典未殊者哉可追崇使持節侍中都督中外諸軍事丞相領太尉中書監錄尚書事如故給九旒鸞輅虎

賁班劍百人前後部羽葆鼓吹輜輶車

安隆王叡江夏王義恭子爲元凶所害孝武大明二年追封安隆王追謚宣王

贈江夏王伯禽亦義恭子也伯禽官輔國將軍爲前廢帝所害謚曰哀世子又追贈江夏王改謚曰愍伯始平王子鸞孝武之子孝武諸子多爲前廢帝所害廢帝素疾子鸞有寵遣使賜死同生弟妹竝死及明帝即位詔曰夫紆寃伸痛雖往必追緣情測愛感事彌遠故使持節都督南徐州諸軍事撫軍南徐州刺史新安王子鸞威表成羸早延殊寵方樹美業克光

藩維而凶心肆忌奄罹橫禍與言永傷有燕嘗懷宜  
 旌天秀以雪沉魂可贈使持節侍中都督南徐兗二  
 州諸軍事司徒南徐州刺史王如故第二皇子子師  
 俱嬰謬酷有增酸悼子師復先封為南海王竝加徽  
 謚  
 南齊明帝初輔政所誅諸王及卽位後復屬籍籍各  
 封諸子為侯梁長沙元王弟藻武帝普通三年遷領  
 軍將軍加侍中六年為軍師將軍與西豐侯正德北  
 伐渦陽輒班師為有司所奏免官削爵土七年起為  
 宗正卿八年復封爵

臨賀王正德普通六年逃奔于魏七年又自魏逃歸  
 高祖不之過也復其封爵

後魏河間公齊太武時坐事免官爵後為前將軍尅  
 仇池威震羗氏復賜爵河間公

襲江陽王繼為青州刺史後入為度支尚書繼在青  
 州之日民飢餓為家僮取民女為婦妾又以良人為  
 婢為御史所彈坐免官爵靈太后臨朝復繼尚書本  
 封

襲廣陽王深為葛榮所害莊帝追復王爵謚曰忠武  
 汝陰王天賜為懷朔大將軍坐貪殘怒死削除官爵



卒孝文罷於思政觀贈本爵塋從王禮謚曰靈王  
東平王正爲度支尚書又兼宗正卿每有奏請尚書  
令任城王澄時致執奪正剛隘內遂不平澄因是奏  
正罪狀三十餘條廷尉處以死刑詔付入議特加原  
宥削爵除官孝明孝昌初卒追復本爵改封濟南王  
中山王英爲鎮南將軍行揚州梁遣將寇肥梁詔英  
率衆討之英表云可尅後水盛英及諸將狼狽奔退  
士衆沒者十五六有司奏英經筭失圖案劾處死詔  
恕死爲民後復王封邑千戶

樂陵王思譽爲鎮北大將軍及穆泰陰謀不軌思譽

知而不告恕死削封爲庶人孝文太和未復還其王  
爵

京兆王愉出爲冀州刺史謀逆事敗見執徵赴京師  
至野上絕氣而死或云高肇令人殺之後靈太后令  
愉之四子皆附屬籍追封愉臨洮王子寶月乃改塋  
父母追服三年

齊郡王琛以討鮮于脩禮敗免官爵後討汾晉胡屬  
卒於軍追復王爵

北海王詳獻文子也宣武親政尚書高肇譖詳與茹  
皓等謀爲逆亂付廷尉治罪詔免爲庶人別營坊館

如法禁衛限以終身詳哭數聲而暴死停殯五載永平元年十月詔曰故太傅北海王體自先皇特鍾友愛受遺訓輔冲昧攸託不圖暮節晦德終缺哀榮使可追復王封射日營厝少慰幽魂以旌陰戚謚曰平王

咸陽王禧謀反賜死後孝明王光中復禧王爵葬以王禮

襲趙郡王謚在毋喪聽音聲飲戲為御史中尉李平所彈遇赦復封

樂梁王長命坐殺人賜死除國子忠明帝時復前爵

位

襲安樂王鑿為北討大都督討葛榮與都督裴衍共救信都鑿謀反降葛榮都督源子邕與裴衍圖鑿斬首傳雜詔改姓元氏莊帝初許復本族又特復鑿王爵贈司空

雒陽王羯兒督諸軍討禿髮坐貪暴降爵為公後統河西諸軍襲蠕蠕至於漢南仍復王爵

慶陽王嘉之孫湛弟瑾以謀殺齊文襄王事泄合門伏法湛先有婢紫光生子法輪齊王矜湛覆滅乃啓原之復其爵土

襲京兆王大興拜長安鎮太將軍以贖貨削除官爵  
後除祕書監還復前爵

後周嘗武公魯郡惠公孫初封譚國公後與晉公護  
同誅建德三年追復封爵嘗武公

唐巢王元吉高祖第四子武德元年封為齊王九年  
與太子建成謀逆伏誅貞觀元年追封海陵郡王謚

曰刺十六年七月又詔曰有虞受終弘肆赦之典隆  
廟革命篤親親之恩海陵刺王元吉地維藩翰夙承

朝寵陷於不軌得罪君親朕嗣膺靈命無忘敦睦同  
生之重既切於本枝在原之悼寔纏於歲月興言泉

壤思備寵章可追封巢王謚乃依舊

荆王元景高祖第六子武德三年封為趙王貞觀十  
年徙封荆王永徽三年坐與房遺愛謀反賜死國除  
後追封沈黎王備禮改葬

韓王元嘉高祖第十一子武德四年封宋王五年徙  
荆王貞觀十年改封韓王垂拱四年則天誅戮宗室  
諸王不附已者元嘉大懼與其子黃國公及越王貞

父子謀起兵坐誅神龍元年追復爵土封其第五子

納為嗣韓王  
是年二月制皇室子孫諸王自垂拱已  
來非命者皆不埋殯宜令州縣尋求處  
所以牲牢致祭乃追復官爵備禮改殯其王并令陪  
葬昭獻二陵有嗣者即令承襲無息嗣者取近親為

後

霍王元軌高祖第十四子武德六年封蜀王八年徙封吳王貞觀十年改封霍王番拱四年坐與韓王元嘉連謀起兵事覺徙居黔州至陳倉而死長子緒封江都王坐與裴承光交通被誅神龍元年並追復爵土封緒孫暉爲霍王嗣

舒王元名高祖第十八子貞觀五年封譙王十年徙封舒王永昌中與其子豫章王亶俱爲丘神勣所陷被殺神龍元年復其官爵仍令以禮改葬封亶子津爲嗣舒王

魯王靈夔高祖第十九子貞觀五年封魏王十年徙燕王十四年改封魯王番拱四年與韓王子黃國公譔結謀起兵事洩流辰州縊死有二子長子清河王誚少子范陽王謁亦爲酷吏所陷神龍元年追復靈夔官仍令以禮改葬封謁子道堅爲嗣魯王  
江夏王道宗高祖從父兄之子永徽四年房遺愛伏誅長孫無忌褚遂良素與道宗不協上言道宗與遺愛交結流配象州道宗病卒及無忌遂良得罪乾封元年追復道宗官爵

吳王恪太宗第三子貞觀三年封蜀王十年徙封吳

王永徽四年房遺愛謀反遂因事誅恪以從衆望子  
四人仁瑋珉境竝流于嶺表尋追封恪爲鬱林王又  
封仁爲鬱林侯

蜀王愔太宗第六子吳王恪之母弟貞觀五年封梁  
王十年改封蜀王恪旣誅愔黜爲庶人徙巴州尋改  
爲涪陵王咸亨初追復爵土陪葬昭陵謚曰悼封子  
璿爲嗣蜀王

越王貞太宗第八子貞觀五年封濮王十年徙封原  
王尋改封越王垂拱四年貞及其子瑯琊王冲坐與  
韓王元嘉結謀起兵被誅改姓虺氏神龍元年追復

土與子冲俱復舊姓

紀王慎太宗第十子也貞觀五年封申王十年改封  
紀王垂拱中越王貞將起事慎不肯同謀及貞敗慎  
亦下獄臨行免改姓虺氏配流嶺表至蒲州而卒中  
興初追復官爵

澤王上金高宗第三子永徽元年封杞王文明元年  
封畢王又改澤王永昌元年出爲隨州刺史武承嗣  
使酷吏周興誣告上金謀反召至都恐懼自縊死神  
龍元年追復上金官爵封庶子義詢爲嗣澤王  
許王素節高宗第四子永徽二年封雍王尋徙郇王

改葛王又進封許王出爲舒州刺史與澤王上金同  
被誣告追赴都縊死則天以庶人禮葬之神龍元年  
追封許王以禮改葬封少子瓘爲嗣許王  
成王千里吳王恪之長子本名仁封鬱林侯中興初  
進封成王爲左金吾衛將軍三年節愍太子謀殺武  
三思兵敗與其子天水王僖俱被誅改姓蝮氏景雲  
元年詔曰故成王千里保國安人克成忠義願除凶  
醜翻陷誅夷永言淪沒良深痛悼宜復舊官爵復本  
姓歸政郡王俊吳王恪第四子本名境中興初封歸  
政郡王宗正卿坐兄千里事貶南州司馬卒景雲元

年追復宗正卿歸政郡王官爵

常山公倩越王貞第二子垂拱中坐與父貞兄冲連  
謀越兵被誅神龍初侍中敬暉等以冲父子翼戴皇  
家義存社稷請復其官爵武三思令上官昭容代中  
宗手詔不許開元四年詔追復爵土令備禮改葬  
棣王琰玄宗第四子也坐二孺人不相叶乃密求巫  
者書符置於琰履中以求媚琰監院中官密奏於玄  
宗玄宗命推問之竟孺人也玄宗猶疑琰知情乃囚  
於鷹狗坊中絕朝請憂懼而死代宗寶應元年贈其  
王位



鄂王瑤玄宗第五子開元二十五年得罪廢寶應元年追復

光王琚玄宗第八子也有才力玄宗愛之以母見疎薄嘗有怨言爲人所構得罪寶應元年追復

齊王湊穆宗第六子也初封漳王後爲鄭注誣告王與宋申錫謀不軌降封巢縣公卒開成三年正月追封爲齊王

梁博王友文爲庶人友珪所害末帝即位詔曰我國家賞功罰罪必叶朝章報德伸冤敢欺天道苟顯違于法制雖蹇滯于歲時終振大綱須歸至理重念太

祖皇帝嘗開霸府有事四方迨建皇朝載遷都邑每以主智重務居守難才慎擇親賢方應寄任故博王友文才兼文武識達古今俾分憂於在浚之郊亦共理於興王之地一心無易二紀于茲嘗施惠於士民實有勞於國家去歲郢王友珪嘗懷逆節已露兇鋒將不利於君親欲竊窺於神器此際宜先皇寢疾大漸日臻博王乃密上封章請嚴宮禁因以萊州刺史授於郢王友珪纔覩宣頭俄行大逆豈有自縊兵於內殿却翻事於東都又矯詔書枉加刑戮仍奪博王封爵又改姓名冤耻兩深誑欺何極伏賴上玄垂祐

宗社降靈俾中外以叶謀致遐邇之共怒尋平內難  
獲勦元凶旣雪耻於同天且免譏於共國朕方期道  
世敢竊臨人遽迫推崇爰膺纘嗣寃憤旣伸於幽顯  
霈澤宜及於下泉博王宜却復官爵仍令有司擇日  
歸葬

後唐贈太保從璨明帝之諸子性剛直好客踈財意  
豁如也天成中爲右衛大將軍時安重誨方秉事權  
從璨亦不之屈重誨常以此忌之明宗幸汴留從璨  
爲大內皇城使一日召賓友於會節園酒酣之後戲  
登於御榻安重誨奏請誅之詔曰皇城使李從璨朕

巡幸汴州使警大內乃全垂委任但恣追遊於予行  
從之園頻恣歌飲之會仍施峻法顯辱平人致彼誼  
譁達於聞聽方當立法固不黨親宜貶授房州司戶  
參軍仍令盡命長興中重誨之得罪也詔復舊官仍  
贈太保

冊府元龜

冊府元龜

宗室部

卷之三百九十五

冊府元龜 復爵 卷之三十一

淮南李嗣京參闕  
西極文翔鳳訂正  
豫章黃國琦較釋  
宗室部 三十五  
追封

冊府元龜

傳日慎終追遠民德歸厚矣乃有聯華帝胄齒于宗  
盟景命弗融遘茲短歷或未極封爵之制或不及光  
華之日或遭罹橫枉沉痛載懷或帝構艱難勲業靡  
究繇是舉敷族之義申追命之典以至胙土建國節

冊府元龜 宗室部 卷之三十一

州乃... 追封... 卷之三百九十一

惠易名加尊極之稱并儲副之號備物典策寵章渥  
縉斯王者興仁敦睦化下美俗之道又豈止厚親親  
之恩而已哉

後漢建武十五年追謚兄伯升為齊武公兄仲為魯

哀公 又依本傳其年追謚伯年為齊武公

魏蕭懷王熊太祖子早薨黃初二年追封謚蕭懷公

太和三年又追進爵為王

鄧襄王冲太祖子建安十三年薨黃初二年追贈謚

冲曰鄧襄侯又追號為公太和五年加冲號曰鄧哀

王

范陽閔王矩太祖子也早薨無子建安二十二年以

樊安公均子敏奉矩後封臨晉侯黃初三年追封謚

矩為范陽閔公五年改封敏范陽王七年徙封太和

六年追進矩號曰范陽閔王

豐愍王昂太祖子也太祖南征為張繡所害黃初二

年追封曰悼公五年追加號曰豐悼王太和三年改

謚曰愍

矩殤王鑠太祖子也早薨太和三年追封謚曰殤

濟陽懷王太祖子也建安十六年封西鄉侯早薨太

和四年追進爵謚曰懷公六年又進號曰懷王



廣宗殤公子棘太祖子也早薨太和五年追封謚曰

殤公

郁戴公子整太祖子也建安二十二年封郡侯二十

三年薨黃初二年追謚曰戴公

靈殤王子京太祖子也早薨太和五年追封謚

臨邑殤公子上太祖子也早薨太和五年追封謚

剛殤公子勤太祖子也早薨太和五年追封謚

樊哀公子均太祖子也建安二十二年封樊侯二十

四年薨黃初二年追進公爵謚曰安

毅城殤公子乘太祖子也早薨太和五年追封謚

臣欽

若寺按魏裴松之注魏武諸子以母貴賤為次不計兄弟之年

贊哀王協文帝子早薨太和五年追封謚曰經殤公

青龍二年更追改爵謚為王

吳長沙桓王策太帝之兄也漢末為討逆將軍會稽

太守帝稱尊號追謚策曰長沙桓王

晉隋穆王整義陽王望之子初封清泉侯先父望卒

武帝以義陽一縣追封為隋縣王

城陽哀王兆字千秋文帝子年十歲而夭武帝踐祚

詔曰此弟千秋少聰慧有成之質不幸早亡先帝先

石特所哀愍每追遺意情懷感傷於是追加兆詔封

謚

遼東悼惠王定國文帝子年三歲薨咸寧初追加封

謚

廣陽殤王廣德文帝子年二歲薨咸寧初追加封謚

毗陵悼王軌武帝子年二歲而夭太康十年追加封

謚

渤海殤王恢武帝子太康五年薨時年二歲追加封

謚

南陽王彪愍懷太子子永康元年正月薨四月追封

臨川獻王郁會稽王道之子也寧康中追封謚

宋臨川王道規高祖少弟也初以起義功封華容縣

公後為征西大將軍義熙八年薨追封南郡公高祖

受命追封臨川王

新野懷王夷父文帝第十七子也元嘉二十九年薨

時年六歲泰始五年追加封謚

池陽縣侯懷遠晉熙王昶子也早卒明帝即位追封

池陽縣侯

齊敬王子羽孝武帝第十四子太明三年生當年卒

追加封謚

淮陽思王子霄孝武帝第二十三子也太明五年生

八年薨追加封謚

南齊衡陽王道度太祖長兄也仕至安定太守卒於宋

世建元二年追加封謚

始安貞王道生太祖次兄也宋世為奉朝請卒建元

元年追加封謚

始安貞王鳳貞王子明帝兄也官至正負郎卒於宋

世明帝建武元年贈始安靖王

安陸昭侯緬始安貞王之子也永明九年卒明帝建

武元年追贈

梁文宣侯尚之高祖從父也仕齊為步兵校尉卒官

天監初追謚

文宣侯尚之子靈均仕齊廣德令高祖義師行至會

稽郡事頃之卒高祖即位追封東昌縣侯

忠簡侯崇之高祖從父齊永明中為東陽太守時錢

塘瑀之反崇遇害天監初追謚

高祖踐阼封崇之子吳為吳平侯乃追封

謚

長沙宣武王懿高祖長兄也仕齊為尚書令東昏時

遇害天監元年追崇丞相封長沙郡王謚曰宣武

永陽昭王敷高祖次兄也齊建武四年薨高祖即位

追封永陽郡王謚曰昭

衡陽王暢高祖第四弟任齊至太嘗封江陵縣侯卒天監元年追封衡郡謚曰宣

桂陽王融高祖弟任齊太子洗馬永元中宣武之難融遇害天監元年追封桂陽郡王謚曰簡

陳始興昭烈王道談高祖兄也任梁為東宮直閣將軍侯景之亂援臺中中流矢卒紹泰二年追贈義興

郡公謚曰昭烈高祖受禪重封始興郡王南康郡王休先高祖母弟梁太清中卒高祖受禪追

封南康郡王謚曰忠壯豫章王立長沙王權皆高祖子永定二年追封立謚

曰獻權謚曰思

後魏高涼王孤平文帝子也道武時以孤平勲高追封高涼王謚曰神武

順陽王郁桓帝之後也文成時為殿中尚書賜爵順陽公及乙渾專權郁從順德門入欲誅渾渾窘怖遂

奉獻文臨朝後復謀殺渾為渾所誅獻文錄郁中正追贈順陽王謚曰簡

秦明王翰昭武帝子建國十五年卒道武即位追贈秦王謚曰明王翰子愨王觚使於慕容垂垂止觚道

武討中山慕容普麟害觚及平中山追封謚曰秦愨



王

陳留王虔昭成孫登國初封陳留公後慕容實來寇  
虔戰沒道武追惜傷慟追謚陳留桓王

江夏王呂道武族弟初以軍功封江夏公卒贈王爵  
淮陵侯大頭烈帝之曾孫文武初封淮陵侯卒贈高  
平公

河間公齊烈帝玄孫大武時贈爵河間公卒贈王爵  
樂陵王胡仁景穆子和平四年三月追封樂王

章武王大維景穆子皇興二年薨追贈征北大將軍  
章武郡王謚曰敬

河間王若文成帝第七子年十六未封而薨追封河  
間王謚曰孝

長鄉縣侯提臨淮王譚子太武孫也孝文時爲員外  
郎後詔提從駕南伐至雒陽參定遷都之議尋卒以  
預參遷都功追長鄉縣侯

提子濟南王昌武時復封臨淮王未拜而薨贈齊州  
刺史謚曰康追改封濟南王

都昌伯誘中山王熙弟也熙起兵誅元又爲其長史  
柳元章等所殺誘被誅後追昌縣開國伯謚曰恭  
東安王凝弟湛爲丞尉少卿莊帝初遇害河陰賜征

東大將軍青州刺史追封漁陽王

武邑王義興景穆曾孫也初於河陰遇害永安中追

封燕郡王尋改封鉅鹿王又改封武邑王

陳留王真孝莊之兄也建義元年六月追封為陳留

王

後周邵國惠公號武帝伯武保定元年七月追封郡

國公謚曰惠

顥子景公什肥年十五而顥沒後魏永安中大祖入

關什肥不能離母遂往晉陽及太祖定秦隴什肥為

齊神武所害追贈太冢宰襲封邵公謚曰景

杞簡公連武帝伯父追賊定州戰歿保定元年七月

追封杞公謚曰簡

連子烈公元寶為齊神武所害保定初追贈襲杞國

公謚曰烈

莒國莊公洛生亦武帝伯父也保定元年七月追封

莒公謚曰莊

洛子穆公菩薩為齊神武所害保定初追贈大將軍

襲爵謚曰穆

宋國公震文帝子也保定元年七月追封

虞國公仲武帝族祖保定元年十二月封



隋河間公元孫高祖從祖也帝受禪以尚書令河門郡公義成縣公鍾葵高祖族祖帝受禪追贈義成縣公

蔡王憖高祖弟也周明帝時賜爵陳留郡後從武帝平齊戰死高祖受禪追封蔡王謚曰景

河間王弘高祖從祖弟也為太子太保薨大業十年追封鄭王

唐鄭王亮高祖從父隋海州刺史武德初追封

畢王章高祖從父任周梁州刺史謀殺隋文事泄被誅高祖即位追封畢王

郇王禧高祖從父武德初追封

蔡王蔚高祖從父武德初追封

西平王安蔚子武德初追封

濟南王哲高祖追謚伯升為齊武公

雍王繪高祖從父武德初追封

河南王贊繪子武德初追封

東平王韶高祖從父武德初追封

梁王澄蜀王湛漢王洪皆高祖兄並早卒武德初追封

衛王玄霸高祖子早薨武德元年追封謚曰懷

楚王智雲高祖子大業未從高祖於河東及義師將起建成潛歸太原以智雲年小委之而去因爲吏所薄送于長安爲陰世師所害義寧元年追封楚國公武德元年進封王謚曰哀

寧王憲睿宗長子天寶元年十一月制曰能以位讓爲吳太伯存則用成其節歿則當表其名非嘗之稱旌德斯在故太尉寧王憲誕含粹靈允膺大雅孝悌之至本乎中誠仁和之深非繇外槩率繇禮度雅尚文儒謙以自牧樂於爲善北兩獻而有光與二南而念德自出臨方鎮入配台階逾勵忠勤益聞周慎實

謂承爲藩屏以輔邦家曾不愆遺奄爲殂沒友于之痛震動良深惟王朕之元昆合升上嗣以朕奉先朝之辱略定社稷之玷危推而不居請予主鬯又承慈旨焉敢固違不然者則震極之尊豈歸于薄德茂行若此易名是憑自非大號孰副休烈按謚法功推尚德曰讓德性寬柔曰讓敬追謚曰讓皇帝宜令所司備禮册命册曰皇帝若曰於戲古者崇德考行猶謚大名飾終追遠亦應徽册况乃元昆之戚天倫之重豈循掌典者哉咨爾故太尉寧王憲純粹秉靈冲和成量孝友之性發乎天然仁義之道彰乎日用加以

好賢不倦樂善有聞休問掩於間平清猷光於魯衛  
實謂儀刑邦家保祐藩維景命不融奄從薨逝興言  
震動哀疚纏懷惟王地居元子合膺主鬯昔朕上稟  
先訓克清群兇遂固守撫謙懇讓儲副然則深仁厚  
德茂行已表於生前寶位尊名盛禮寧忘於歿後是  
用謚王爲讓皇帝令遣使尚書左丞相耀卿副使大  
掌卿韋縉等持節禮冊因心之感備物餘情瞻典策  
而哀深想杼華而望絕所冀幽安嘉茲寵榮

申王撫睿宗子開元十二年薨制曰德盛者必享休  
名道高者必膺殊典况人倫之重義切因心天爲之  
深情殷追遠故司徒申王撫獻哲聰明本乎天性溫  
恭孝友挺自生知樂善好書清猷邁於兩獻深仁厚  
義美化侔於二南可謂具瞻百察儀刑列辟朕將永  
康兆庶方自友于天不憇遺奄從薨遊永惟仁範哀  
慟纏懷用表非嘗之榮少寄天倫之戚可追贈惠莊  
太子宜令所司備禮就加冊命陪葬橋陵以禮部尚  
書蘇頌爲喪葬使京兆尹李休光爲副使尚書左丞  
楊承令爲鹵簿使遣侍中攝太尉元乾曜持節冊曰  
維開元十二年十一月甲申皇帝若曰於戲夫綉禮  
所以飾情崇名所以表德義存追遠愛洽因親惟故

司徒申王撝璿極稟虛邦家維翰體孝友以成性用  
 淳和而合道汴獻受易率以鳴謙河間聚書時其好  
 學加以出為方伯弘宣六條入登司徒大敷五教而  
 天則不愆奄薨於行留邸無期同異遂遠興哀痛震  
 動於厥心夫先王演親親之恩春秋著加等之義上  
 嗣之位餘終斯在宜率茂典以永徽猷魂而有靈式  
 昭哀贈

岐王範睿宗子開元十四年薨陪葬橋陵制曰褒崇  
 名罷所以尊德也光昭典禮所以餘終也况天倫之  
 愛親親之至乎故太子太傅上柱國岐王範特稟聰

明率繇孝友好書不倦樂善無忘固已作則列藩儀  
 刑百辟方憑魯衛之政率流雍穆之風豈徒輔德愆  
 期殲良奄及想同氣而莫遂望駢駕而何追言念平  
 生情深震動宜加殊禮之命用寄孔懷之哀可追贈  
 惠文太子

薛王業睿宗子開元二十一年薨明年冊贈惠宣太  
 子

隋王暕睿宗子也初封汝南郡王早薨唐隆元年  
 追贈義豐郡王

光順桂陽郡王守義皆章懷太子賢之子也先天二

年三月太上皇詔追封光順爲莒王守義爲畢王  
慶王琮玄宗長子天寶十一載薨贈靖德太子後肅  
宗元年建寅月詔曰聖人立號天下至公膺其美者  
必歸有德有其德者或無其位苟微烈可紀則追崇  
之典行焉况義貫因心禮優加等稽夫往策抑有前  
聞盛業鴻猷久不可替故靖德太子琮慶鍾霄極親  
則朕兄性與天道行高時望宜慈惠和聰明睿哲四  
科兼綜一以貫之而福壽不遐旣隨往運緬惟友愛  
實軫于心朕昔踐儲宮顧誠非次於君人之命所不  
敢違以少長而言豈忘其序每思懇讓竟莫獲從遽

順聖慈嗣茲寶位安可不申夙志有闕推恩宜加尊  
異之名載茂哀榮之典敬用追謚曰奉天皇帝妃  
氏曰恭應皇后宜委有司即擇日冊命更以禮葬仍  
令右僕射晃充使監護少府竇履信爲副

榮王琬玄宗子天寶十四載薨贈靖恭太子

夏王一玄宗子開元五年孩孺而薨追封夏王謚曰  
悼

懷王敏玄宗子纔晬開元八年二月薨封懷王謚曰  
哀

建寧郡王俊肅宗第三子天寶中封肅宗至靈武爲

張良娣李輔國所構賜死代宗即位追贈齊王大曆三年五月詔曰故齊王倓承天祿之慶保鴻名之光降志尊賢高才好學藝文博洽智畧宏通斷必知來謀皆先事識無不達理至逾情乃者寇盜橫流鑾輿南幸先聖以宸扈之戀將侍君親惟王以宗廟之重誓寧家國克協朕志載符天時立辨群議之非同獻五原之計中興之盛實藉奇功景命不融早從厚宥天倫之愛震惕良深流涕追封朕于東海傾加表飾未極哀榮夫以參舊邦再造之勤成天下一家之業而存未峻其等沒未尊其稱非所旌徽烈明至公也

朕以眇身纘膺大寶不及讓王之禮莫申太弟之嗣所懷靡從追想逾切非嘗之命寵錫攸宜敬用追謚曰承天皇帝與興信公主第十四女張氏宜婚謚曰恭順皇后有司准式擇日冊命改葬于順陵仍祔於奉天皇帝廟同殿異室焉  
 衛王秘肅宗第四子天寶中封西平郡王早薨寶應元年五月追封  
 鄆王榮肅宗第八子天寶中封靈昌郡王早世寶應元年追封鄆王  
 恭懿太子侶肅宗第十二子至德二年封興王上元



元年薨詔曰厚禮所以表行况情鍾天屬寵及哀榮封載疇加等之美式備元儲之贈永懷軫念有惻爰章第十二子故興王召毓慶濬源汾華若水天資純孝神假聰明河間聚書幼聞樂善之旨延陵聽樂早得知音之妙頃以鬻嬰沉瘵殆積旬時而資敬益章穎晤逾爽愛親之戀言不聞於斯頃告訣之詞事先符於夢寐顧惟至性實切深衷將分土折珪載崇藩翰聞詩對易爰就琢磨方與成立未虞天喪瑤英始茂遽摧於當春隙駟俄遷忽沉於厚夜興言痛悼憫惜良深宜賁寵於青宮俾哀榮於玄窆可贈太子謚

曰恭懿

召薨時七八歲既薨之夕肅宗張后俱夢召有如平昔拜辭流涕而去帝方罷疾追念過深故特以儲嗣之贈寵之上疾累日方平

宋王禧肅宗第十四子早世建中二年正月追封昭靖太子邈代宗第二子寶應元年封鄭王大曆九年薨帝惜其才早天冊贈昭靖太子均王遐代宗第二子早天真元八年追封荆王選代宗第十二子早世建中三年追封靈溪郡王詠昭靖太子第二子大曆十年七月追封代王謹德宗第八子本封縉雲郡王早薨建中三年正月追封

邕王諒顯宗子德宗命之爲子貞觀四年封十五年九月薨時年十八贈文敬太子

晉王普敬宗長子太和二年詔曰王者重統紀尊儲用所以上嚴國本祇叶禮經睦人倫以正邦典崇丕基而昭彞式其或德契元良恩當追命道雖間於存歿義有表於哀榮仰惟舊章用摠憫志故開府儀同三司晉王普先帝冢嗣聞氣夙鍾孝敬發於岐嶷溫仁形於襁褓剪珪分社光祝冊於參墟錫土啓藩假威尊於上黨朕頃戡內難謬屬與能以玉齒在嬰提事絕推讓方期就傳謂致修齡旣因猶子之義俾膺

主鬯之選天不憖遺殲我本枝泣悼永往空餘典禮嗟樂善而莫報顧卜起而何追銜悲良慟此誠無極是用稽諸前訓申我宿愛布曩懷於此日告如在于幽靈式備虛儀曷廖深痛可贈悼懷太子仍令有司擇日備禮追冊

梁永王義方太祖伯父詔王義談太祖叔父開平四年追封

朗王存太祖從兄唐乾符中興太祖俱逐黃巢表中流矢而卒開平四年四月追封

柳王友裕太祖長子唐末爲華州節度使守與德尹

天祐元年卒開平王年追封

密王友倫太祖兄子唐末為宿衛都指揮使遙領容州節度使因會客擊鞠馬逸墜車而薨開平三年追封

安王友寧太祖兄子唐末遙領邕州節度使昭宗自奉鳳翔還降詔書以青冠未殄委之攻討友寧進師逼青州青人悉出大戰于石樓王師少却友寧自峻阜騎馳殿將軍馬蹶仆為敵人所及而薨開平三年追封

晉陳王重果高祖子幼亾天福六年五月追封

福王德高祖弟後唐末為沂州馬步軍都指揮使天

福初贈太傅七年正月贈大尉追封

通王殷高祖弟天福初贈太傅七年正月贈太尉追封

廣王威高祖弟後唐末為彰聖后第三軍都指揮使長州刺史天福初贈太傅七年正月贈太尉追封

號王重英高祖子天福二年正月贈太保七年正月贈大傅追封

壽王重文高祖子天福二年權東都留守遇害贈太傅七年正月贈太尉追封

鄭王重裔高祖子天福二年正月贈太保七年正月  
贈太傅追封

沂王重信高祖子天福二年爲河陽符度使遇害贈  
太尉七年正月贈太師追封

葭王重進高祖子天福二年正月贈太保七年正月  
贈太傅追封

韓王暉高祖弟爲曹州防禦使以疾終於官歸葬太  
原天福八年追封

周鄭王侗杞王信皆太祖子乾祐末遇害廣順元年  
二月詔以故弟二子青哥贈太保賜名侗第三子意

哥贈司空賜名信顯德四年四月制曰禮以緣情恩  
以悼往矧在友于之列尤鍾惻愴之思故皇帝贈太  
保侗贈司空信等玉葉聯芳金莖比瑞屬景運之初  
啓何大年之不登未剪桐珪連雕棊萼俾予終鮮寔  
動永懷旣登叙以無階在疏封而起恡贈其王爵慰  
我天倫侗追封鄭信追封杞王  
越王誼吳王誠韓王誠皆世宗子乾祐末遇害廣順  
元年二月大祖詔故皇孫三人關贈左驍衛大將軍  
賜名誠三哥贈左武衛太將軍賜名誠三哥贈左領  
衛大將軍賜名誠顯德四年四月制曰父子之道聖

賢不忘再思天閔之端愈動悲良之抱故皇子賜左  
驍衛大將軍誼贈左武衛大將軍誠贈左屯衛大將  
軍誠等鳳雛龍翰嘗其殊姿王拆蘭摧早罹於非  
禍載惟往事有足傷懷宜贈一字之封仍贈三台之  
秩表吾追念慰乃英靈誼追封越王誠追封吳王誠  
追封韓王

冊府元龜

淮南李嗣京參閱  
西極文翔鳳訂正  
豫章黃國琦較釋

宗室部 三十六

譴讓

傳曰門內之治恩掩義門外之治義斷恩蓋先王之  
道不以私害公也周漢而降宗枝茂盛封建既廣性  
習不同乃有背既睦之教蓄不咸之性忽麟趾之義  
忘磐石之訓恣其驕盈弗率典訓以至奉藩無狀事



親不謹暱愛近習術惑邪說或專用非僻或潛懷異圖雖復舉八議之典蒙三省之惠煩一尺之詔屈廷尉之請猶或長惡不悛罔顧顛覆以致遷削土宇陷於不義悲夫

漢淮南厲王長文帝之弟文帝時薄太后及太子諸大臣皆憚厲王厲王以此歸國益恣不用漢法出入警蹕稱制自作法令數上書不遜順數音用角反文帝重

稱切責之重也時帝舅薄昭為將軍尊重帝令昭子厲王書諫數之曰數音所具切竊聞大王剛直而勇慈惠而厚真信多斷是天以聖人之資奉大王也甚盛不可

不察今大王所行不稱天資皇帝初即位易侯邑在淮南者侯邑在淮南者更易以佗郡大王不肯皇帝

卒易之卒終也使大王得三縣之實甚厚大王以來嘗與皇帝相見未入朝見未畢昆弟之觀畢盡也而殺列

侯以自為名皇帝不使吏與其聞與謂日豫謂不令吏干豫其事赦大王甚法二千石缺輒云漢補大王逐漢所置而請自置相二千石皇帝飢天下正法而許大王甚厚不從

正法聽王自置二千石正法聽王自置二千石大王欲屬國為布衣守冢貞也音之欲反皇帝不許使王毋失南面之尊甚厚屬謂委棄之大王宜日夜奉法度脩貢職以稱毋失不失也南面之尊謂王位也



皇帝之厚德今迺輕言恣行以負謗於天下甚非計也夫大王以千里為宅居以萬民為臣妾此高皇帝之厚德也高帝蒙霜露沐風雨沫亦預字也蒙冑也沫洗面也音胡内切赴矢石野戰攻城自被創疾疾音夷以為子孫成萬世之業艱難危苦甚矣大王不思先帝之艱苦日夜怵惕脩身正行養犧牲豐粢盛奉祭祀以無忘先帝之功德而欲屬國為布衣甚過且夫貪讓國士之名輕廢先帝之業不可以言孝父為之基而不能守不賢不末守長陵而求之真定先母後父不誼數逆天子之令不順言節行以高兄無禮謂請守母家自為各節而

表異行用此幸臣有罪大者立斷小者肉刑不仁謂

斬貴衣布一劔之任賤王侯之位不知不學問大道

觸情妄行不祥任情意所欲則行之此八者危亡之

路也而大王行之棄南面之位奮諸賁之勇吳專諸衛孟賁

也賁音奔嘗入出危亡之路臣之所見高皇帝之神必不

廟食於大王之手明白昔者周公誅管叔放蔡叔以

安周齊桓殺其弟以反國子紕兄也言弟者諱也秦始皇殺兩

弟遷其母以安秦始皇母與嫪毐私通生二子事覺誅毒并殺二弟遷其母於城陽官

也項王代高帝奪之國以便事項王高帝兄仲也向叔入代不能守

走歸京師高帝奪其國退為郤陽侯以便國法也便音頃面切濟北舉兵皇帝誅之

以安漢

濟北王興居與大臣誅諸呂自以功大怨其賞薄故反

故周齊行之於

百秦漢用之於今大王不察古今之所以安國便事

而欲以親戚之意望於太上不可得也

太上天子也

諸侯游官事人及舍匿者論皆有法

舍匿謂容止其而藏隱也

在王所吏主者坐

言各有所主而坐其罪

今諸侯子為吏者御

史主

主御史也自此以下至縣令主皆謂王官屬

為軍吏者中尉主客出

入殿門者衛尉大行主諸從蠻夷來歸詎及以亡名

數自古者內史縣令主相欲委下吏無與其禍不可

得也

言諸侯王之相欲委罪於在下小吏而身不干豫之不可得也與讀曰豫

王若不改

漢繫大王邸論相以下為之柰何夫墮父大業退為

布衣所哀

墮毀也布衣貧賤之人王設伏法則貧賤之人切哀憐之墮音父規切

幸臣

皆伏法而誅為天下笑以羞先帝之德

羞辱也

甚為大

王不取也宜急改操易行上書謝罪曰臣不幸早失

先帝少孤呂氏之世未嘗忘死

嘗恐畏死也

陛下即位臣

怙恩德驕盈行多不軌

軌法也

追念罪過恐懼伏地待

誅不敢起皇帝聞之必喜大王昆弟歡欣於上群臣

皆得延壽於下上下得宜海內寧安願熟計而疾行

之行之有疑禍如發矢不可追已

發矢喻速也

王得

書不說

臨江王榮景帝子前四年為皇太子四歲廢為臨江



王三歲坐侵廟墺地為宮帝徵榮榮至詣中尉府對簿中尉郅都責平王王恐自殺

淮安王安厲王長子安既立其群臣賓客江淮間多輕薄以厲王遷死感激安建元六年彗星見淮南王心怪之或說王曰先吳軍時彗星出長數尺然尚流血千里今彗星見天天下兵當大起王心以為上無太子天下有變諸侯竝爭愈益治攻戰具積金錢賂遺郡國遊士妄作妖言阿諛王王喜多賜予之太子學用劔自以為為人莫及聞郎中雷被巧被音皮義切巧者善用劍也召與戲被壹再辭讓誤中太子中音竹仲反太子怒被

恐此時有欲從軍者輒詣長安被即願奮擊匈奴太子數怒被諧毀之於王也王使郎中令斥免欲以禁後令後人更

不敢元朔五年被遂亡之長安上書自明事下廷尉河南河南治韋下廷尉及河南令於河南雜治其事逮淮南太子追赴河南

也王王后計欲毋遣太子王欲王后共計也遂發兵計未定

猶與十餘日猶與讀日豫會有詔即訊太子即就也評問也淮南問

之不逮謂河南淮南相怒壽春丞留太子逮不遣承順王意不遣太子

出應逮劾不敬王請相相不聽王使人上書告相事下

廷尉治從迹連王從讀日蹤王使人候伺入京師候司其事漢公

卿請逮捕治王王恐欲發兵太子遷謀曰漢使即逮

王令人衣衛士衣持戟居王旁有非是者即刺殺之  
 臣亦使人刺殺淮南中尉廼舉兵未晚也是時帝不  
 許公卿而遣漢中尉宏即訊驗王即亦就也王視漢中尉  
 顏色和問斥雷被事耳自度無何自許度更無罪不度音從谷反  
 發中尉還以聞公卿治者曰淮南王安雍闕求奮擊  
 匈奴者雷被等格明詔雍讀曰壅闕音格謂亭閣不行之當棄詔  
 不許請廢王爵帝不許請削五縣可二縣使中尉宏  
 赦其罪罰以削地中尉入淮南界宣言赦王王初聞  
 公卿請誅之未知得削地聞漢使來恐其捕之廼與  
 太子謀於前計中尉至即賀王王以故不發

燕王旦武帝子昭帝立旦與左將軍上官桀蓋主等  
 謀逆事發天子使使者賜燕王璽書曰昔高皇帝主  
 天下建立子弟以藩屏社稷先日諸呂陰謀大逆劉  
 氏不絕若髮賴絳侯等誅討賊亂尊立孝文以安宗  
 廟非以中外有人表裏相應故邪樊鄴曹灌攜劍推  
 鋒樊贈鄴商曹參灌嬰從高皇帝墾菑除害耘鋤海內當此之  
 時頭如蓬葆勤苦至矣然其賞不過封侯今宗室子  
 孫曾無暴衣露冠之勞裂地而王之分財而賜之父  
 死子繼兄終弟及今王骨肉至親敵吾一體廼與他  
 姓異族謀害社稷親其所疏疏其所親有悖逆之心



無忠愛之義如使古人有知當何面目復奉齊耐見高祖廟乎且得書以符璽屬醫工長謝相三千石奉事不謹死矣乃以綬自絞

淮陽憲王欽宣帝子毋張嬖奸已卒憲王外祖母舅張博兄弟三人歲至淮陽見親輒受王賜後王上書請徙外張氏於國博上書願留守墳墓獨不徙上恨

之後博至淮陽王賜之少博言負責數百萬責謂假代人財

物未償者也願王為償王不許博辭去令弟光恐責音側懈切

王遇大人益解恐謂怖動也大人博自稱其毋也解讀曰懈博欲上書為

大人乞骸骨去王乃遣人持黃金五十斤送博博喜

喜還書謝還書報書為諂語盛稱譽王因言當今朝廷無

賢臣灾變數見足為寒心萬姓咸歸望於大王大王

奈何恬然恬然安靜貌恬音大廉切不求入朝見輔助主上乎使

求光數說王互聽博計令於京師說用事貴人為王

求朝王不納其言後光欲至長安辭王復言願盡力

與博共為王求朝王即日至長安可因平陽侯光得

王欲求朝語馳使人語博博知王意動復遺王書曰

博幸得肺腑自云於王有親數進愚策未見省察北游燕趙

欲循行郡國求幽隱之士聞齊有駟先生者善為司

馬兵法大將之材也博得謁見承問進問五帝三王

究竟要道卓爾非世俗之所知

卓爾高遠貌也自言見駟先生問以要道

知其高遠也

今邊境不安天下騷動微此人其莫能安也

微無也

又聞北海之濱有賢人焉

濱溼也音頻又音賓

累世不可

逮然難致也

逮及也言其材智不可及也致至也難得賢而至也

得此二人而

薦之功不亦細矣博願馳西以此赴助漢急無財幣

以通顯之趙王使謁者持牛酒黃金二十斤勞博博

不受

勞謂問慰之音來道反

復使人願尚女聘金二百斤博未

許

尚女者王欲取博女以自配也

會得光書云大王已遣光西與博

并力求朝博自以棄捐不意大王還意反義結以朱

顏還猶回也

願殺身報德朝事何足言大王誠賜咳唾使

得盡死湯禹所以成大功也駟先生蓄積道術書無

不有

言凡是書籍皆有之

願知太王所好請得輒上王得書喜

說

說讀日悅

報博書曰子高適幸左顧存恤發心惻隱

左顧

猶言也

顯至誠納以嘉謀語以至事

以至極之事告語我也

雖亦

不敏敢不諭意

諭曉也

今遣有司為子高償債二百萬

是時博女壻京房以明易陰陽得幸於帝數召見言

事自謂為石顯五鹿充宗所排謀不得用數為博道

之博嘗欲誑耀淮陽王即具記房諸所說災異及召

見密語持予淮陽王以為信驗詐言已見中書令石

君求朝許以金五百斤賢聖制事蓋慮功而不計費

志成功不罷請昔禹治洪水百姓罷勞日疲成功既立萬

世賴之今聞陛下春秋未滿四十髮齒墮落太子幼

弱佞人用事陰陽不調百姓疾疫饑饉死者且半洪

水之害殆不過此謂堯時水災大王緒欲救世緒業

日始為將此功德何可以忽言此功德於古帝王也博已

與大儒知道者為大王為便宜奏大儒知道謂京陳

安危指災異大王廟見先口陳其意而後奏之帝必

大說說讀事成功立大王即有周召之名邪臣散亡

公卿變節功德亡此而梁趙之寵必歸大王梁王景

為嗣趙王如意外家亦將富貴何復望大王之金錢帝弟欲

王喜說說音博報書曰迺者詔下止諸侯朝者寡人

憊然不知所出憊痛也不知計策何子高素有顏冉

之資臧武之知顏顏回也冉冉耕也字伯牛皆孔子

騫冉伯牛仲弓臧武者魯大夫臧武仲也名統子貢

之辨論語稱孔子云下莊子之勇下莊子古兼此四

者世之所鮮鮮少也音既聞端緒願卒成之卒終求

朝議事也奈何所金錢乎博報曰已許石君須以成

事須待王以金五百斤予博會房出為郡守離左右

顯具得此事告之房漏泄省中語博兄弟誑誤諸侯

誹謗政治狡猾不道皆下獄有司奏請逮捕欽帝不

忍治法遣諫議大夫王駿賜欽璽書曰皇帝問淮陽

王有司奏王舅張博數遺王書非毀政治謗訕天子

褒舉諸侯稱引周易以調惑王調古誦字也所言尤惡悖

逆無道王不舉奏而多與金錢報以好言辜至不赦

朕惻焉不忍聞惻痛也為傷王之推原厥本不詳自博

祥善也自從也不惟王之心匪同於凶已詔有司勿

治王事遣諫議大夫駿申諭朕志申謂約束之詩不云乎

靖恭爾位正真是與大雅小旻之詩也與偕也言人能安靜而恭以守其位偕於正

直則神明聽王其勉之駿諭指日璽書之外天子又有指意並令駿曉

告於禮為諸侯制相朝聘之義蓋以考禮一德尊事

天子也考成也一德謂不二其心也且王不學詩乎詩云俾侯於

魯為周室輔魯頌閟宮之詩也言立周公子伯禽使為諸侯於魯國而作周家之藩輔今

王舅博數遺上書所言悖逆王幸受詔策通經詔策若廣

陵王策日無爾宵人毋作罪知諸侯名譽不當出竟

竟讀德也經術之義不得內交天子普復德布於朝而恬之有博言恬安也聞博邪言安

而受多予金錢與相報應不忠莫大焉故事諸侯王

獲罪京師罪惡輕重縱不伏誅必蒙遷削貶黜之罪

故事者言舊未有但已者也但徒也空也已止也徒空然而止者也今

聖王赦王之罪又憐王失計忘本為博所惑加賜璽

書使諫議大夫申諭至意殷勤之恩豈有量哉博等

所犯惡大群下之所共攻王法之所不赦也自今以來王毋復以博等累心累音力務與眾棄之春秋之

義大能變改以有過而能變改者為大易曰籍用白茅無咎此大過初

六爻辭也茅者潔白之物取其自然故用為籍致享於神慎之至也言臣子之道改過

自新潔已以承上然後免於咎也王其留意慎戒惟

思所以悔過易行塞重責稱厚恩者塞猶補也如此

則長有富貴社稷安矣於是淮陽王欽免冠稽首謝

日奉藩無狀無善狀過惡暴列暴謂章顯也陛下不忍致法

加大恩遣使者申諭道術守藩之義伏念博罪惡尤

深當伏重誅臣欽願悉自新奉承詔策悉盡也頓首死

罪

東平王宇宣帝子毋公孫縵好元帝初就國事太后

內不相得太后上書言之守求杜陵園皇帝陵也官人無子乃中

園帝於是遣太中大夫張子矯矯字或作僑並音無昭反奉璽書

敕諭之約敕而曉告之也曰皇帝問東平王蓋聞親親之恩

莫重於孝尊尊之義莫大於忠故諸侯在位不驕以

致孝道制節謹度以翼天子翼佐也然後富貴不離於

身而社稷可保今聞王自修有闕本朝不和謂東平國之朝

也流言紛紛謗自內與朕甚懼焉為王懼之懼痛也音干感

反詩不云乎毋念爾祖聿脩厥德永言配命自求多

福

大雅文王之詩也言當念爾先祖之道聿修其德則長配天命此乃所以求多福也

朕惟王

之春秋方剛

言其年少血氣盛

忽於道德

忽遺忘也

意有所移忠

言未納

謂漸染其惡人而移其性未愛忠言也

故遣大中大夫子蟜諭

王朕意

親臨遣之令以朕意曉告王

孔子曰過而不改是謂過矣

論語載孔子之言謂人有失行計以自新

王其深惟熟思之無違朕意又

特以璽書賜王太后曰皇帝使諸吏官者令承問東

平王太后朕有聞

言母子不和也不欲指斥言之故云有聞也

王太后少

加意焉天福善之門莫美於和睦患咎之首莫大於

內離今東平王出襁褓之中而託於南面之位加以

年齒方剛涉學日寡驚忽臣下

驚讀與傲同

不自它於太

后

言不自同它人

以是之間能無失禮義者其惟聖人乎傳

日父爲子隱直在其中矣王太后明察此意不可不

詳閨門之內母子之間同氣異息骨肉之恩豈可忽

哉昔周公戒伯禽曰故舊無大故則不可棄也毋求

備於一人

事見論語言人有小惡當思其善不可責以備行而即棄之耳

夫以故舊

之恩猶忍小惡而况此乎已遣使者諭王王既悔過

服罪太后寬忍以貫之

貫猶緩也

後宜不敢

言王於後當不敢更爲非

也王太后強餐止思念慎疾自愛守慚懼因使者頓

首謝死罪願洗心自改

酒音先弟反

詔書又軟傳相曰夫

人之性皆有五嘗及其少長耳目牽於嗜慾

嗜讀日者故



五嘗銷而邪心作情亂其性利勝其義性者所受而

物而動者也而不失厥家者未之有也今王富於春秋氣

力勇武獲師傅之教淺加以所少聞見自今以來非

五經之正術敢以游獵非禮道王者輒以名聞道讀

梁王立成帝元延中以公事怨相椽及睢陽丞使奴

殺之殺奴以滅口凡殺三人傷五人手歐郎吏二十

餘人上書不拜奏謀篡死罪囚逐取有司請誅帝不

忍削立五縣哀帝建平中立復殺人天子遣廷尉賞

大鴻臚不持節即許致移書傳相中尉曰王背

策戒初并符策書詩暴妄行連犯大辟毒

流吏民比比蒙恩不伏重誅比猶不思改過復罪殺

人幸得蒙恩丞相長史大鴻臚丞郎問王陽病抵闕

置辭抵距也譖誣諱也抵嬌嫚不首至今與背叛凶

異不首謂不伏其罪也王令者於法令人條丞相御

史請收王璽綬送陳留獄明詔加恩復遣廷尉大鴻

臚雜問今王當受詔置辭恐復不首實對書曰至于

再三有不用我降爾命言我教法至於再三汝不傳

相中尉皆以輔政為職虎兕出於匣龜玉毀於匱中

是誰之過歟此論語孔子責冉有季路史辭言虎兕

過也喻相人者書到明以誼曉王敢復懷詐罪過

益深傳相以下不能輔導有正法立惶恐免冠對曰

立少失父母孤弱處深宮中獨與宦官婢妾居漸漬

小國之俗加以質性下愚有不可移之恣言不從化也論語稱

孔子曰唯上智與下愚不移往者傳相亦不純以仁義輔翼立大

臣皆尚苛刻求微密讒臣在其間左右弄口積使上

下不和更相眄伺便音工衡切宮殿之裏毫釐過失亡不

暴陳當伏重誅以視海內視讀日示數蒙聖恩得見貫赦

貫謂責其罪也今立自知賊殺郎中曹相將冬月迫促貧生

畏死即詐僵仆陽病僵仆倒地也僵音薑仆音赴微幸得踰於湏

史典得踰冬月而減罪也謹以實對伏湏重誅湏待也時冬月盡

春大赦不治

後漢阜陵質王延光武子初封淮南王明帝永平中

有上書告延與姬兄謝弇及姊館陶公主壻駙馬都

尉韓光招姦猾作圖讖祠祭祀詛事下案驗有司奏

請誅延帝以延罪薄於楚王莫故特加恩從為阜陵

王食二縣延既徒封數懷怨望章帝建初中復有告

延與子男魴造逆謀者有司奏請檻車徵詣廷尉詔

獄帝下詔曰王前犯大逆罪惡尤深有同周之管蔡

漢之淮南經有正義律有明刑先帝不忍親親之恩

在屈大法為王受愆愆過也反而不誅先帝之過故言為王受過也羣下莫

不惑焉今王曾莫悔悟悖心不移逆謀內潰自子魴  
發誠非本朝之所樂聞朕惻然傷心不忍致王于法  
今貶爵為阜陵侯食一縣獲斯辜者侯自取焉於戲  
誠哉

齊王晃及弟利侯剛與母太姬宗更相誣告章帝章

和元年有司奏請免晃剛爵為庶人徙丹陽帝不忍

下詔曰朕聞人君正屏有所不聽白虎通曰所以設屏以自障示不極

臣下之敬也尊宗為小君宮衛周備出有輜輶之飾入有

牖戶之固殆不至如譖者之言晃剛愆乎至行濁乎

大倫濁汚也倫理也甫刑三千莫夫不孝不忍置之於法其

貶晃爵為蕪湖侯削剛戶三千於戲小子不勗大道

控於法理以墮宗緒其遣謁者收晃及太姬璽綬

樂成王萇驕淫不法愆過累積冀州刺史與國相舉

奏萇罪至不道安帝詔曰萇有醜其面而放逸其心

知陵廟至重承繼有禮不惟致敬之節肅穆之慎乃

敢擅損犧牲不備苾芬詩小雅曰苾芬慢易太姬不

震厥教大姬卽萇所繼之母震懼也出入顛覆風淫于家聘取人

妻饋遺婢妾毆擊吏人專已克暴愆罪莫大甚可耻

也朕覽八辟之議不忍致之於法其貶萇爵為臨湖

侯朕無則哲之明致簡統失序罔以慰承太姬增懷



永歎

河間惠王政傲狠不奉法憲順帝以侍御史吳郡沈  
 景有彊能稱故擢為河間相景列國謁王王不正服  
 箕踞殿上侍郎贊拜景峙不為禮峙立也問王所在虎  
 賁曰是非王邪景曰王不服嘗人何別今相謁王豈  
 謁無禮者邪王慙而更服景然後拜出往官門外請  
 王傳責之王前發師陛下見受詔以王不恭使相檢  
 督諸君空受爵祿而無訓導之義因奏治罪詔書讓  
 政而詰責傳景因捕諸奸人上案其罪上奏上也音市又反殺  
 慮尤惡者數十人出寬獄十餘人政遂改節過悔自

修

魏陳思王植太祖子初封臨淄侯植嘗乘車行馳道  
 中開司馬門出太祖大怒公車令坐死繇是重諸侯  
 科禁而植寵日衰下令曰自臨淄侯植私出開司馬  
 門至金門令吾異日視比兇矣又令曰諸侯長史及  
 帳下吏知吾出輒將諸侯行意否從子建私開司馬  
 門來吾都不復信諸侯也恐吾適出便復私出故攝  
 將行不可嘗使吾以誰為心腹也

趙王幹太祖子明帝青龍二年私通賓客為有司所  
 奏賜幹璽書誡誨之曰易稱開國承家小人勿用詩

著大車爲塵之誠自太祖受命創業深覩治亂之源  
鑒存亾之機初封諸侯訓以恭慎之言輔以天下之  
端士嘗稱馬援之遺誠重諸侯賓客交通之禁乃使  
與犯妖惡同夫豈以此薄骨肉哉從欲使子弟無過  
失之愆士民無傷害之悔耳高祖踐祚祇慎萬機申  
著諸侯不朝之令朕感詩人棠棣之作嘉采菽之義  
亦緣詔文日若有詔得詣京師故命諸王以朝聘之  
禮而楚中山並犯交通之禁趙宗戴捷咸伏其辜近  
東平王復使屬官歐壽張吏有司舉奏朕裁削縣令  
有司以曹纂王喬等因九族時節集王家或非其時


皆違禁防朕惟王幼小有恭順之素加受先帝顧命  
欲崇恩禮延乎後嗣况近在之身乎且自非聖人孰  
能無過已詔有司宥王之失右人有言誠慎乎其所  
不覩恐懼乎其所不聞莫見乎隱莫顯乎微故君子  
必慎其獨也叔父率先聖之要典以纂乃先帝之遺  
命戰戰兢兢靖恭厥位稱朕意焉

彭城王攄太祖子景初元年坐私遣人詣尚方作禁  
物削縣二千戶璽書日制詔彭城王有司奏王遣司  
馬董和齋珠玉來到京師中尚方多作禁物交通王  
官出入近署踰侈非度慢令違制繩王以法朕用憮

不寧予心王以懿親之重處藩輔之位典籍日陳於前勤誦不輟於側加雅素奉修恭肅敬慎務在蹈道孜孜不衰豈妄率意正身考終厥行哉若然小疵或謬于細人忽不覺悟以斯為失耳書云惟聖罔念作狂惟狂克念作聖古人垂訓乃於此故君子思心無斯須遠道焉嘗慮所以累德者而去之則德明矣開心所以為塞者而通之則心夷矣慎行節以為尤者而修之則行全矣三者王之所能備也今詔有司宥王削縣二千戶以彰八柄予奪之法昔羲文作易著休復之誥仲尼論行既過能改王其改行茂昭斯義

率意無怠

楚王彪太祖子齊王嘉平元年兖州刺史令狐愚與太尉王陵謀迎彪都許昌乃遣傳及侍郎御史就國案驗收治諸相連及者悉尉請徵彪治罪於是依漢燕王旦故事使兼丞尉大鴻臚持節賜彪璽書切責之日夫先王行賞不遺仇讐用戮不違親戚至公之義也故周公流涕而決三叔之罪孝武傷懷而斷昭平之獄古今嘗典也惟王國之至親作藩于外不能極奉王度表率宗室而謀於奸邪乃與太尉王陵兖州刺史令狐愚構通逆謀圖危社稷有悖忮之心無



忠孝之意宗廟有靈王其何面目以見先帝朕深痛  
 王自陷罪辜既得王情深用慨然有司奏王當就大  
 理惟公族甸師之義不忍肆王帝朝故遣使者賜書  
 王自作孽匪繇於他燕刺之事宜足以觀王其自圖  
 之慮乃自殺

吳孫皎大帝時為征虜將軍皎堅弟靜子也嘗以小  
 忿故與甘寧忿爭或以諫寧寧曰臣子一例征虜雖  
 公子何可專征侮人邪吾值明主但當輸効力命以  
 報斯天誠不能隨俗屈曲矣帝聞之書讓皎曰自吾  
 與北方為敵中間十年初時相違年小今者且三十

年矣孔子自三十而立非但為五經也授卿以精兵  
 委卿以大任都護諸將於千里之外欲使如楚任昭  
 奚恤揚威於北境非徒相使逞私志而已近聞卿與  
 甘興霸飲因酒發作侵凌其人其人永屬呂蒙督中  
 此人雖龐豪有不如人意時然其較略大丈夫也吾  
 親之者非私之也吾親愛之卿疎憎之卿所為毋與  
 吾違其可久乎夫居敬而行簡可以臨民愛人多容  
 可以得衆二者尚不能知安可董督在遠禦寇濟難  
 乎卿行長大特受重任上有遠方瞻望之觀下有部  
 曲朝夕從事何可恣意有盛怒耶人誰無過貴其能

改互追前愆深自咎責今故煩諸葛子瑜重宣吾意  
臨書推愴心悲淚下皎得書上疏陳謝遂與結寧厚  
宋彭城王義康高祖子文帝元嘉中輔政十餘年以  
專恣出鎮豫章停省十餘日桂陽侯義融新淦侯義  
宗秘書監徐湛之往來惻視於省中奉辭便下清帝  
惟對之慟哭餘無所言

衡山王義季高祖子文帝時徐州刺史元嘉二十三  
年魏軍侵逼北境攪動義季不欲以功勤自業無他  
經略爲飲酒而已文帝詔之曰杜驥申恬倉卒之際  
尚以弱甲瑣卒徼寇作援彼爲元統司馬桓桓旣不

懷奮發連被意旨猶復逡巡豈唯大乖應赴之宜實  
孤百姓之望且匈奴輕漢將自此而始賊初起逸未  
知指趣故且裝束兼存觀察耳少日勢漸可見便應  
有大經略何令安然遂不敢動遣軍政欲乘際會祕  
危急以申威援本無驅馳平原方幅爭鋒之理又山  
路易憑何以畏首尾迥若謂事理正應如此者進大  
鎮聚甲兵徒爲煩耳

南郡王義宣高祖子文帝時鎮荊州元嘉二十七年  
後魏南侵義宣慮敵至欲奔上明及魏軍退太祖詔  
之曰善修民務不須營潛逃計也



巴陵王休若文帝子明帝時為雍州刺史典籤夏寶  
 期事休若無禮繫獄啓帝殺之慮不被許啓未報輒  
 於獄行刑信反果錮送而寶期已死帝大怒與休若  
 書曰孝建大明中汝敢行此耶休若毋加杖三百降  
 號左將軍貶使持節都督為監行雍州刺史假寧蠻  
 校尉削封五百戶  
 晉平王休祐文帝子明帝時為荊州刺史左右范景  
 達善彈棋帝詔之休祐畱不遣帝怒詰責之曰汝剛  
 戾如此豈為下之義  
 南齊景陵王子良武帝子文惠太子薨帝檢行東宮

見太子服御羽儀多過制度帝大怒以子良與太子  
 善不啓聞頗加嫌責  
 廬陵王子卿武帝子為荊州刺史在鎮營造服飾多  
 違制度帝勅之曰吾前後有勅非復一兩道諸王不  
 得作垂體格服飾汝何意都不憶吾勅耶忽作瑋瑁  
 乘具詔責之令速送都又作銀鍙金箔箭脚亦便速  
 懷去凡諸服章自令不啓吾知服專輒作者後所聞  
 當復得痛杖又曰汝此都讀學不幸轉成長吾日冀  
 汝美勿得勅如風過耳使吾失氣永明十年遷使持  
 節都督南豫司三州諸軍事南豫州刺史子卿之鎮



道中戲部伍為水軍帝聞之大怒殺其典籤遣宜都王鏗代之子卿還第不與相見  
 陳新安王伯固文帝子宣帝時為南徐州刺史在州不知政事日出畋獵或乘暇輿至於草間輒呼人從遊動至旬日捕麋鹿多使生致帝頗知之遣人責讓者數矣

武陵王伯禮文帝子宣帝時為吳興太守恣行劫掠為有司所劾帝曰王年少未達道皆繇佐吏不能輔弼所致特降軍號後若更犯必致之以法有司不言與同罪

後魏毗陵王順位司隸較尉道武好黃老數召諸王及朝臣親為說之在坐莫不祗肅唯順獨坐寐久伸不顧而唾帝怒廢之以王薨於家

襲崑山王陪斤子昭小字阿兒向書張彞引羨殿中郎孝文將為齊郡王蘭舉哀而昭乃作宮懸帝大怒詔曰阿兒愚騃誰引為郎於是黜彞白衣守尚書昭遂停廢

任城王澄為吏部尚書孝文自鄴還雜引見公卿曰營國之本禮教為先朕離京邑以來禮教為日新以不澄對曰臣謂日新帝曰朕昨入城見車上婦人冠

卷之二十七

帽而著小襖者若為如此尚書何為不察澄曰着猶少於不著者帝曰深可怪也卿意欲令全著乎一言可以喪邦者斯之謂歟可命史官書之澄後為尚書左僕射宣武景明初有降人嚴叔懋告尚書令王肅遣孔思達潛通南齊圖為叛逆齊遣俞公喜送勅於肅公喜還南肅與裴叔業馬為信澄信之乃表肅將叛輒下禁止咸陽北海二王奏澄擅禁宰輔免官歸第  
廣陽王嘉為徐州刺史孝文南伐嘉違天指授令賊得免帝怒責之曰叔祖定非世孫何太不類也

趙郡王幹孝文時為司州牧車駕南討詔幹都督中外諸軍事幹貪滯不遵治典御史中尉李彪將糾劾之會遇幹於尚書下舍曰屏左右而謂幹曰殿下北有風聞即欲起彈恐損聖明委託之旨若改往修來彪當不言脫不悛改夕聞旦發而幹悠然不以為意彪乃表彈之帝省以忿惋詔幹與北海王祥俱隨太子詣行在所既至祥獨得朝見幹不蒙引接密令左右察其意色知無憂悔乃親數其過杖之一百免所居官以王還第

襲臨淮王提為梁州刺史以貪縱削除加罰徙配北

宗室部

鎮久之提子負外郎隸免官請解所居官代父邊戍  
孝文不許

京兆王愉與弟廣平王懷頗相誇尚競慕華麗貪縱  
不法於是宣武攝愉禁中推案杖愉五十出爲冀州  
刺史

城陽王鸞爲定州刺史鸞愛樂佛道修持五戒不飲  
酒食肉積歲長齋繕起佛寺勸率百姓共爲土木之  
勞公私費擾頗爲民患宣武聞而詔曰鸞親惟宗懿  
作牧太州民物殷煩綏寧所屬宜勉已厲誠崇清樹  
惠而乃驟相徵發專爲煩擾編戶嗷嗷家懷嗟怨北

法不可違昇固諫帝忿然作色昇乃止其後楊素復  
進諫曰秦王之過不應至此願陛下詳之帝曰我是  
五兇之父非兆民之父若如公意何不別制天子兒  
律以周公之爲人尚誅管蔡我誠不及周公遠矣安  
能虧法卒不許俊疾篤未能起遣使奉表陳謝帝謂  
其使曰我戮力開基創茲大業作垂範庶臣下守之  
而不失汝爲吾子而欲敗之不知何以責汝俊慙怖  
疾甚大都督皇甫統上表請復王官不計歲餘以疾  
篤復拜上柱國開皇二年六月薨於秦邸帝哭之數  
聲而已

蜀王秀高祖子在蜀奢侈違犯制度晉王陰令楊素  
求其罪而譴之仁壽二年徵還京師帝見不與語明  
日使切讓之秀謝曰忝荷國恩出臨藩岳不能奉法  
罪當萬死皇太子及諸王流涕庭謝帝曰頃者秦王  
麋費財物我以父道訓之今秀蠹害生民當以君道  
繩之於是付執法者廢爲庶人秀上表希與愛子孤  
子相見帝因下詔數其罪曰汝地居臣子情兼家國  
庸蜀要重委以鎮之汝以干紀亂嘗懷惡樂禍睥睨  
二官佇遲災釁容納不逞結構異端我有不和汝便  
覘候望我不起便有異心皇太子汝兄也次當建立

汝假託妖言乃云不終其位矣稱鬼怪又道不得入  
官自言骨肉相非人臣德業不堪承重噐矣道青城  
出聖欲以已當之詐稱益州龍見託言吉兆重述木  
易代之姓更治咸都之官望說禾秀之名以當八千  
之運橫生京師妖異以證父兄之災矣造蜀地徵祥  
以符已身之錄汝豈不欲得國家惡邪天下亂也輒  
造白玉之槌又爲白羽之箭文物飾服豈似有君鳩  
集左道符書厭鎮漢王於汝親則弟也乃畫其形像  
書其姓名縛手釘心枷鎖杻械仍云請西嶽華山慈  
父聖母神兵九億萬騎收楊諒魂神閉華山下勿令

散蕩我之於汝親則父也復云請西嶽華山慈父聖  
母賜爲山開化楊堅夫妻迴心懽喜又畫我形像縛  
手撮頭仍云請西嶽神兵收楊堅魂神如此形狀我  
今不知楊諒楊堅是汝何親也包藏凶慝圖謀不軌  
逆臣之迹也希父之災以爲身幸賊子之心也懷非  
分之望肆毒心於兄弟之行嫉妬於弟無惡不爲無  
孔懷之情也違犯制度壞亂之極也多殺不辜豺狼  
之暴也剝削民庶酷虐之甚也唯求財貨而井之業  
也專事妖邪頑嚚之性也弗克負荷不材之器也凡  
此十者滅天理逆人倫汝皆爲之不祥之甚也欲免

禍患長守富貴其可得乎後聽與其子同處

唐魏王泰太宗第四子貞觀十七年四月太子承乾  
敗太宗面加譴讓承乾曰臣貴爲太子更何所求但  
爲泰所圖時與朝臣謀自安之計不逞之人教臣爲  
不軌之事今若以泰爲太子是落其度內太宗因謂  
侍臣曰我若立泰便是儲官之位可經營而得也泰  
立承乾晉王皆不存晉王立泰與承乾可無恙也乃  
下詔曰朕聞生育品物莫大乎天地愛敬用極莫重  
乎君親是故爲臣貴於盡忠虧之者有罰爲子在於  
行孝違之者必誅大則肆諸市朝小則終貽黜辱雍

州牧相州都督左武侯大將軍魏王泰朕之愛子實  
所鍾心幼而聰令頗好文學恩遇極於隆重爵位窮  
於寵章不思聖哲之戒自構驕僭之咎惑讒諛之言  
信離間之說以承乾雖居長嫡久纏疴恙潛有代立  
之望靡遵義方之則承乾懼其凌奪泰亦日增猜阻  
爭結朝士競引凶人遂使文武之官各有託附親戚  
之內分爲朋黨朕志存公道義在無偏彰厥巨釁兩  
從廢黜非惟作則四海亦乃貽範百代可解雍州都  
督左武侯大將軍并削爵土降爲東萊郡王尋改封  
順陽郡王於均州爲邑制宅以處之

齊王祐大宗子貞觀中爲齊州都督溺情群小尤好  
弋獵長史薛大鼎屢諫不聽太宗以大鼎輔導無方  
坐免權萬紀前爲吳王恪長史有正直之節乃以爲  
祐長史有督君謨梁猛彪者竝以善騎得幸於祐萬  
紀驟諫不納遂斥逐之而祐潛遣招延狎昵愈甚太  
宗慮不能悔過數以書責讓祐

滕王元嬰多驕縱失度高宗以書誡之曰王地在宗  
枝寄深盤石幼聞詩禮夙承教義貫輿孜孜無怠漸  
以成德豈謂不遵軌轍踰越典章且城池作固以備  
不虞關鑰開閉須有嘗準鳩召散樂并集府僚嚴關


夜開非復一度過密之悲尚纏此屋王以此情事何  
遽紛紜又巡守百姓本觀風問俗遂乃驅率老幼借  
狗求置至從禽之娛忽黎元之重時方農要屢出畝  
遊以彈彈人將為笑樂取適之道尚應多緒何必此  
事方得為娛晉靈虐主未可取則

趙孝文趨走小人張四郎倡優賤隸王親與博戲極  
為輕脫一府官僚何所瞻望凝寒方甚以雪理虐物  
既深何以為樂家人奴僕侮弄官人至於此事彌不  
可長朕以骨肉至親不忍致王於法今與王下土可  
以媿王心人之有過貴在能改國有憲章私恩難耳  
與言及此慙難盈懷

嗣號王巨肅宗乾元初為河南尹於南橋梁出入車  
牛皆稅錢以供國用頗有乾沒士庶怨之後與妃張  
氏不睦張氏即皇后從父妹宗正卿李遵構之發其  
賊貶為遂州刺史

邠王震為宗正卿昭宗天祐三年七月勅曰震就列  
朝行守官宗寺俄從私便久去上京既稍失於規程  
宜特示於黜兇勤停見任并落下襲封

冊府元龜





册府元龜

結陳

卷六

九十七

正...  
 册...  
 元...  
 龜...  
 結...  
 陳...  
 卷...  
 六...  
 九...  
 十...  
 七...

